

a2<sup>r</sup>

Dem Wolgebor<sup>en</sup>  
 nen vñ Edlen Herrn/ Herrn  
 Heinrich von Kurtzbach/ Freyherrn auff  
 Trachenbergk vnd Mylitfch/ Herrn zu Rhonaw  
 vnd Lemberg/ Röm. Kay. May. Trug<sup>faß</sup>/  
 7c. Meinem gnedigen Herrn.

Auch  
 Der Wolgebornen/ vnd Edlen  
 Frawen/ Frawen Helenen/ gebornen  
 von Parchewitz/ Wolgedachten Herrn Hein<sup>richs</sup>  
 von Kurtzbach/ 7c. hochgeliebten Ehe<sup>gemahl</sup>/  
 Frawen auff Trachenberg vnd My<sup>litfch</sup>/  
 zu Rhonaw vnd Lemberg/ 7c. Mei<sup>ner</sup>  
 gnedigen Frawen.  
 Gnad vnd Friede von Gott dem Allmechtigen/  
 durch Jhesum Chriftum/ waren Gott vnd wa<sup>ren</sup>  
 Menfchen/ in einer einigen/ vnzertrenne<sup>ten</sup>  
 Perfon/ vnfern einigen Heyland vnd Frie<sup>defürften</sup>.

Wolgeborner Gne<sup>diger</sup>  
 dige Herr/ Auch  
 Wolgeborne Gne<sup>dige</sup>  
 dige Fraw/ da der  
 H. Prophet Elaias fpricht/ in  
           a ij      feinem

a2<sup>v</sup>

---

## Vorrede.

feinē güldenen Capitel: Durch  
fein Erkendtniß wird er/ mein  
Knecht/ der Gerechte/ viel ge-  
recht machen/ Denn er treget  
jhre Sünde: Lehret er nicht  
allein klar vnd deutlich/ das  
vns an der erkendtniß Jhefu  
Chriffti all vnfer Heyl vnd Se-  
ligkeit gelegen fey/ Sondern  
wil vns auch zugleich trewlich  
ermanet haben/ das wir feinen  
Namen zuerkennen wol war-  
nemen/ vñ durch die gantze zeit  
vnfers lebens/ vnfern höchften  
fleiß daran wenden follen.

Es ftehet aber die erkendtniß  
Jefu Chriffti/ laut der fchrifft/  
in diefen zweyen Stücken.

Rom. I.      Erflich/ in der erkendtniß  
feiner Perfon/ Denn er ift ge-  
boren

a3<sup>r</sup>

---

Vorrede.

boren aus dem Samen Daud  
nach dem Fleifch/ vnd erweifet  
der Allmechtige Son Gottes  
nach dem Geift. Darnach in  
der erkenntniß feines Ampts/  
Denn das Blut Jefu Chrifti/  
des Sons Gottes/ macht vns  
rein von aller Sünde.

1. Joh.I

Diefe ftück beyde begreiffet  
der Prophet in dem obgemel-  
ten Spruche/ deñ fie laffen fich  
nicht trennen. Denn wer da  
nicht gleubet/ das Jefus Chri-  
ftus warer GOtt vnd warer  
Menfch ift/ den hilffts nicht/  
ob er gleich gleubet/ das er für  
vnfere Sünde gelitten habe.  
Vnd wer da nicht gleubet/ das  
er für vnfere Sünde gelitten  
habe/ den hilffts nicht/ ob er

A iij gleich

a3<sup>v</sup>

---

## Vorrede.

gleich gleubet/ das er wahrer  
Gott vnd warer Menſch fey.

Was hülffe es vns nu/ wenn  
wir gleich die gantze Welt het-  
ten/ vnd kemen nicht zu der Ge-  
rechtigkeit/ die vor Gott gilt?  
Wie kôndten wir aber zu die-  
ſer Gerechtigkeit komen/ wenn  
wir den nicht kenneten/ der vns  
für Gott gerecht macht? Wie  
folten wir jhn aber auch erken-  
nen/ wenn wirs aus GOTTes  
Wort/ weil es vns von Natur  
vnbekandt ift/ nicht lerneten?  
Derhalbē follten wir die wort  
des Propheten mercken/ vnd  
zufehen/ das wir in der erkennt-  
niß Jefu Chrifti/ vnfers HER-  
ren vñ Heylandes/ wie S. Pe-  
trus ſpricht/ allzeit wachfen vñ  
zunemen. Weil

2. Pet.3.

a4<sup>r</sup>

---

Vorrede.

Weil aber der Sathan/ der Ertzfeindt Chrifti vnd feiner Gemeine/ weiß/ das vns an der erkendtniß Chrifti fo viel gelegen ift/ hat er fich von anbegin her/ zu allen zeiten/ fehr hefftig vnd graufam dawider gelegt/ vnd ift diefes j̄merdar der aller größefte ſchade gewefen/ den er in der Kirchen Chrifti gethan hat/ das er die Menſchen kinder in diefer erkendtniß jrr gemacht/ vnd alfo von dem rechten wege/ der zur Seligkeit führet/ abgeleitet hat.

Denn bald hat er feine Gottheit geleugnet/ alß/ durch die Pharifeer vnd Saduceer/ vnd hernach durch Cerinthum/ Ebiōnem vñ Seruetum: Bald aber

a iiij      feine

a4<sup>v</sup>

## Vorrede.

feine Menfcheit/ als durch Ma-  
netem/ Cerdonem vnd Marcio-  
nem.

Ein mahl hat er feine einige  
Perfon getrennet/ alß/ durch  
Nestorium: Das andermal aber  
die 3wo Naturen in einander  
vermifchet/ vnd jre eigenschaff-  
ten auffgehoben/ alß/ durch Eu-  
tychen: Jetzt hat er feine Gott-  
heit eine Creatur geheiffen/ vñ  
fie dem Vater am Wefen vn-  
gleich gemacht/ alß/ durch Ari-  
um: Jetzt aber feine Menfcheit  
zuftümelte/ vnd gefagt: Er ha-  
be einen Leib/ one die vernünff-  
tige Seele an fich genomen/ alß  
durch Apolinarium.

Da aber die heiligen Väter  
fleißig zufahen/ vnd fo oft eine  
Ketzerrey

a5<sup>r</sup>

---

Vorrede.

Ketzerey auff die bahn kam/ in der heiligen ſchrift fleißig forſcheten/ aus derſelben die Ketzer widerlegeten/ die erckentniß der Perſon Chriſti/ in den Concilien/ vnd jren Schrifften richtig faſſeten/ Vnd auch die Chriſtlichen Keyſer vnd Fürſten drüber hielten: Da greiff der Teuffel nach dem andern theil der erckentniß Chriſti/ Nemlich/ nach ſeinem Ampte vnd verdienſte/ vnd brachte es/ durch Gottes verhengniß/ wegen der Menſchen ſicherheit vnd vndanckbarkeit dahin/ daß das heilige verdienſt Jheſu Chriſti faſt gantz vnd gar aus der Kirchen vertilget ward.

A v Dieses

a5<sup>v</sup>

---

## Vorrede.

Diefes Spiel hebt er auch  
mit aller gewalt an/ zu diefen  
vnfern zeiten. Denn nach dem  
das erfte theil der erkentniß  
Chrifti vnd feiner Perfon/ aus  
Göttlicher Schrift/ vnd ein  
helligē Confens/ der alten/ bey  
de Griechifchen vñ Römifchen  
Kirchē/ durch die tewre Men  
ner Gottes Lutherum vnd Phi  
lippum/ wie die Augfpurgifche  
Confeffion/ derfelben Apologia/  
die Schmalkaldifchen Artickel  
7c. bezeugen/ rein vñ lauter auff  
vns bracht ift/ Vnd das ander  
theil/ nemlich/ die erkentniß fei  
nes Ampts vnd Verdienftes/  
durch jhre groffe mühe vnd ar  
beit/ aus Göttlichem verleihē/  
wider gereiniget/ gantz tröft  
lich an

a6<sup>r</sup>

---

## Vorrede.

lich an tag gegeben/ vñ also der  
weg zur ewigen Gerechtigkeit  
vnd Seligkeit vns gantz rich-  
tig gewiesen ist: Hat der Sa-  
than keine ruhe/ sondern rich-  
tet hin vnd her in der Kirchen  
Gottes/ mit vnuerwindlichem  
schaden/ in derfelben erkend-  
niß/ fonderlich aber/ was die  
Person Chrifti belangt/ viel  
jrrung vnd zweytracht an/ ge-  
dencket vns diesen Weg wider  
zuuerlauffen/ im Glauben jrre  
zu machen/ vnd also des ewigen  
lebens zu berauben.

Weil denn nu gleiche gefahr  
drauff ftehet/ er neme vns das  
erfte/ oder das ander theil die-  
fer heylfamen erkendtniß/ vnd  
verftümmele vns Chrifti Per-  
son

a6<sup>v</sup>

---

## Vorrede.

von oder fein Ampt/ So wil es  
warlich gerathen fein/ das ein  
jeder feines Heyls warneme/  
vnd feinen HErrn vnd Chri-  
ftum recht vnd wol kennen ler-  
ne/ auff das er alle jrrwege des  
Sathans meiden/ vnd auff der  
rechten Bahn/ biß an fein ende/  
bestendig bleiben möge.

Es hats vns auch vnfer lie-  
ber HErr Chriftus an nützlich-  
chen Büchern vñ richtigen Le-  
rern zu lernen fein erkendtniß  
nicht mangeln laffen. Deñ vber  
das/ daß er vns fein Buch/ die  
heilige Bibel erhalten hat/ vnd  
vns zu vnfern zeiten gantz lieb-  
lich vnd klar in vnfer Deutſche  
ſprache bringen laffen/ hat er  
auch allezeit viel feine trewe  
Lehrer/

a7<sup>r</sup>

---

Vorrede.

Lehrer/ beyde in der alten Kir-  
chen/ vñ zu vnfern zeiten erwe-  
cket/ durch welche er aus feinem  
heiligē worte die rechte heylfa-  
me erkenntniß feiner Perfon vnd  
feines Ampts herfür bracht/ er-  
halten/ fort gepflantzet/ vnd al-  
le Ketzereyen widerleget hat.

Nu ist aber vnter den Bü-  
chern der heiligen Altväter/ fo  
von der rechten erkenntniß/ fon-  
derlich von der Perfon Chri-  
sti geschriben haben/ der aller  
fürnembften eines: Die drey  
Dialogi oder Gespräch von der  
Perfon Jesu Chrifti/ des heili-  
gen Theodoreti/ welche er fon-  
derlich wider den schedlichen  
vnd Teufflischen jrrthumb des  
Eutychis/ der in Chriſto nicht  
3wo/

a7<sup>v</sup>

---

Vorrede.

3wo/ fondern nur eine Natur  
erkenntete/ gefchrieben vnd ge-  
richtet hat. Vnd zu vnfern 3ei-  
ten/ in diefen ergerlichen ftrei-  
ten/ von der Perfön Chrifti/  
fehr nützlich zu lefen fein.

Diefer Theodoretus ift ein  
hochgelerter/ vnd zu feinen 3ei-  
ten ein fehrberümbter Mann/  
eines Vornehmen/ Edlen Ge-  
fchlechts von Antiochia gewe-  
fen/ Vnd weil er fich von Ju-  
gent auff der Gottfeligkeit ge-  
fliessen/ auch von feinē Eltern/  
welche frome Chriftliche Leu-  
te gewefen/ dazu gehalten/ vnd  
jn Gott der HErr mit fonder-  
lichen hohen Gaben gezieret  
hatte/ ift er für andern herfür  
gezogen/ Vnd da er noch ein  
junger

a8<sup>r</sup>

---

Vorrede.

junger Mann gewefen/ zu ei-  
nem Biſchoffe zu Cyro in Sy-  
rien erwelet worden/ welchem  
feinem Ampte er auch vber die  
XLIII Jahr treulich vnd  
Väterlich vorgefanden hat.

Er ift auch dariñen wol ge-  
übet worden/ nicht allein/ weil  
zu der felben zeit auch der Rot-  
ten vnd Secten kein ende war/  
Sondern er ward auch feiner  
rechten Lere halben einmals  
deffelben entſetzt.

Denn als er/ wie er felber  
ſchreibet/ feins Ampts 26 Jar  
treulich gepflogen hatte/ biß  
auff das Mordconcilium zu  
Epheso/ welchs im Jar Chri-  
fti 449 ift gehalten worden/  
ward er dafelbft feiner rech-  
ten

a8<sup>v</sup>

---

## Vorrede.

ten Lehre halben von Diofco-  
ro/ dem Ertzbifchoffe zu Ale-  
xandria/ des Eutyichis Patron/  
abwefende/ fampt andern tre-  
wen Bifchoffen/ feines Ampts  
beraubet/ vñ vom Keyfer in der  
Stadt Cyro beftricket. Dar-  
über er fehr klaget/ in feiner E-  
piftel/ die er an dē Ertzbifchoff  
Leonem zu Rom gefchrieben/  
welche ich zu ende dieses Bu-  
ches/ fampt der antwort Leo-  
nis/ vnter andern auch mit ver-  
deudfchet/ vnd herzu gethan  
habe.

Weil aber in diefem Conci-  
lio Gewalt für Recht gangen  
war/ brachtens die H. Väter/  
fonderlich Leo/ der Ertzbi-  
fchoff zu Rom/ vnd Anatolius/  
der

b1<sup>r</sup>

## Vorrede.

der Ertzbischoff zu Constan-  
tinopel/ durch fleißig anhalten  
bey dem Keyser Marciano da-  
hin/ das bald hernach im Jahr  
Christi 451. zu Chalcedon  
ein allgemein Concilium gehalten  
ward/ auff welchs aus allen  
Landen der Christenheit  
630. Bischoffe zusammen kamen.  
In diesem Concilio ward  
der Irrthum Eutychis verworfen/  
vñ er sampt seinem Patron  
Diofcoro verdammet/ vnd ins  
elendt verjaget. Theodoretus  
aber wardt nicht allein wider  
in sein Ampt gefetzet/ sondern  
auch von den 630. Bischoffen  
für einen rechten Christlichen  
Lehrer erkandt/ vnd alle seine  
Schriften worden als gut vñ  
b heylsam

b1<sup>v</sup>

## Vorrede.

heyßam beftetiget/ was jhm  
auch für ein herrlich 3eugniß  
von dem Stuel zu Rom gege-  
ben worden/ ift in der obge-  
melten Epiftel Leonis an Theo-  
doretum herrlich zusehen.

Dieweil denn vnter feinen  
Schrifften diefe drey Dialogi  
fehr köftliche vnd gute Bücher  
fein/ welche von allen verften-  
digen vnd gelehrten Leuten/  
auch zu vnfern zeiten/ wegen  
der richtigkeit/ fo darinnen ift/  
hoch geachtet vnd fehr gelobet  
werden/ Hab ich fie erft/ vnd  
fürnemlich mir felbft/ darnach  
allen andern fromen Chriften/  
die nach dem erkendtniß der  
Warheit mit rechtem ernft vn-  
eyuer ftreben/ zur Lere/ vn-  
richt/

b2<sup>r</sup>

---

Vorrede.

richt/ vnd troft für mich geno-  
men/ vnd in die Deutfche Spra-  
che bracht. Gleicher weife wie  
ich vor vier Jaren die fchönen  
Epifteln des H. Jgnatij auch  
verdeutfchet/ vnd in Druck ge-  
ben habe/ dafür mir von vielen  
fromen Hertzen fleiffig ift ge-  
dancket worden.

Bin auch der tröftlichen zu-  
uerficht/ mein lieber HERR  
Chriftus/ der mir zu diefer ar-  
beit gnad vnd fegen gegeben  
hat/ werde verleyhen/ das fie  
vielen guthertigen Leuten/ fo  
wegen der jetzigen ftreiten be-  
trübet/ vñ nicht wenig beküm-  
mert fein/ feinem heiligen Na-  
men zu ehren/ nütz vnd dienft-  
lich fein werde.

b ij      Was

b2<sup>v</sup>

## Vorrede.

Was der Scopus vnd jñhalt  
dieſer dreyer Geſpreche ſey/  
laſſe ich vnuermeldet/ dieweil  
es Theodoretus ſelber in ſeiner  
eigen Vorrede/ ſo hernach fol-  
gẽ wird/ gantz fleißig anzeiget.  
Inſonderheit aber iſt zu mer-  
cken/ die feine ordnung vñ wei-  
ſe/ die er helt in allen dreyen  
Geſprechen. Deñ er ſetzet nich-  
tes aus ſeinem eigenen Kopffe  
vnd gutdüncken/ ſondern nim-  
met erſtlich die H. Schrift  
für ſich/ helt das alte vnd neue  
Teſtament gegen einander/ er-  
kleret eins durch das ander/ vñ  
beweiſet/ das feine Lere darin-  
nen ſelt vñ wol gegründet ſey.  
Erkleret auch offtmals neben  
den Heuptlehren etliche ande-  
re nöti-

b3<sup>r</sup>

---

Vorrede.

re nötige ftück/ fo in vielen Ar  
tickeln gute nachrichtung gebē.

Wenn er nu feine Lehre al  
fo auff den grundt der heiligen  
Schriftt wol gebawet hat/  
kômpt er auch auff die Schriff  
ten der H. Väter/ hebt an von  
S. Ignatio/ welcher der erfte ift  
nach der Apoftel zeiten/ vnd  
fehret fort biß auff die/ fo auch  
zu feinen zeiten noch gelebt ha  
ben/ zeucht aus jnen an die herr  
lichften/ fchönften Sprüche/  
von der erkendtniß Jefu Chri  
fti/ vnd derfelben nicht wenig/  
fondern in groffer anzahl in ei  
nem jeglichen Gefpreche/ dar  
unter er auch vieler alten Vã  
ter Sprüche meldet/ welcher  
Schriftten/ zu vnfern zeiten/  
b iij fonft

b3<sup>v</sup>

---

Vorrede.

sonft nicht mehr vorhanden  
find. Das also diß Buch  
nicht allein jederman das  
rechte Erkendtniß vnfers  
HERRN vnd Heylan<sup>de</sup>  
des Jhesu Chrifti/ sonder<sup>e</sup>  
lich was seine Person be<sup>de</sup>  
langet/ gründtlich lehret  
vñ fürhelt: Sondern auch  
durch seine gute ordnung  
weiset/ wie man noch heu<sup>te</sup>  
tiges tages vielen groffen  
sachen vnd streiten/ leicht  
vnd ohne ergerniß/ abhelf<sup>e</sup>  
fen köndte.

Weil

b4<sup>r</sup>

---

Vorrede.

Weil aber der Drucker anderer Gefcheffte halben/ mit diefem Werck vber die zwey Jahr verzogen/ hab ich in des auch etliche fchöne Epifteln/ des hochlöblichen vnd hochgelehrten Mannes Leonis/ des Ertzbifchoffs zu Rom/ welche er von dem erkendtniß vnfers HErrn Jefu/ vmb diefelbe zeit wider den Eutycken gefchrieben/ dazu gethan vnd verdeutſchet Sonderlich die lange vñ fehr fchöne Epiftel / die er von dem Mordconcilio an Flauianum den Ertzbifchoff zu Conſtantinopel gefchrieben/ welche nicht allein hernach im Synodo Chalcedonenfi öffentlich verlesen/ vnd von den heiligen

b iiij Vatern

b4<sup>v</sup>

---

## Vorrede.

Våtern/ Columna rectæ fidei/  
das ift/ die Seul des rechten  
Chriftlichen Glaubens genen=  
net worden ift/ Sondern auch  
gleich ein Außbundt ift/ alles  
des/ was von der Perfon vnd  
zwoen Naturen vnfers HER=  
ren Chriffti zu wiffen von nõ=  
then ift.

Darnach auch etliche ande=  
re Epifteln/ die er vmb die=  
felbe zeit an etliche Bifchoffe/  
vnd andere wider des Eutyichis  
Schwarm gefchrieben/ vnter  
welchen auch ift eine Epiftel  
Theodoreti/ fo er an denfelben  
Ertzbifchoff Leonem gefchrie=  
ben/ darinnen er fich feiner ab=  
fetzung halben beklaget/ vnd  
bey jhm Raths erholet/ fampt  
der

b5<sup>r</sup>

---

Vorrede.

der antwort Leonis an Theo-  
doretum. Aber dauon hab ich  
drunten in der Vorrede/ vber  
die selben Episteln/ mehr be-  
richt gethan.

Solche meine arbeit/ Gne-  
diger Herr/ vñ Gnedige Fraw/  
hab ich vnter E. Gn. Namen  
in Druck gehen lassen/ vnd pu-  
bliciren wöllen. Ertlich/ Gne-  
diger Herr darumb/ weil mir  
nicht vnbeuoft ift/ das E. G.  
nicht allein von Jugendt auff/  
durch E. G. Præceptores beyde/  
priuatim/ vnd in der hochlöbli-  
chen Vniuersitet Wittenbergk/  
zu solchen vnd dergleichen rei-  
nen Schrifften geleitet/ in der  
rechten vnuerfelfchten Lehre/

b v vom

b5<sup>v</sup>

---

Vorrede.

vom erkentniß Jhesu Chriffti  
wol vnterrichtet fein/ Ja/ noch  
heute die ftudia pietatis neben  
E. G glücklicher Regierung  
nicht vnterlaffen/ vnd fich ge=  
gen allen verftendigen vnd ge=  
lehtten Leuten/ alß einen recht  
Günfftigen Mœcenatem erzei=  
gen/ Sondern auch/ weil fich  
E. Gn./ fo oft die auff dem  
Burglehn zur Sprottaw ge=  
wefen/ gedemütiget/ vnd vnfe=  
re Gemeine befuchet/ auch mit  
fonderlicher angeborner gunft  
vnd Verehrungen gegen mir  
erzeiget haben.

3um andern auch/ Gnedige  
Fraw/ darumb/ weil E. Gn.  
nicht allein/ da dieselbe noch  
bey jh=

b6<sup>r</sup>

---

Vorrede.

bey jhrer Hochgeliebten Fra-  
wen Großmutter (der Edlen  
Viel ehrentugentreichen Fra-  
wen Katharinen/ Gebornen  
von Gladiß/ weyland des Ed-  
len/ Geltrengen/ vnd Woleh-  
renveften Herrn Georgen von  
Schöneich/ Pfandsherrn vff  
Sprottaw/ etc. beyder löbli-  
cher gedechtniß/ geliebten Ehe-  
gemahl) gewefen/ fich bey vns  
zum heiligen Worte GOTTes/  
vñ hochwirdigen Sacramen-  
ten gehalten/ jre Gunft gegen  
mir vielfaltig bewiefen/ vnd  
auch in allwege fich in vnfer  
Kirchen Gebet fleiffig befoh-  
len habē: Sondern auch/ weil  
E. Gn. hochgeliebete Fraw  
Mutter (die Edle/ Wolge-  
borne

b6<sup>v</sup>

---

## Vorrede

borne Fraw Magdalena/ Ge-  
borne von Schöneich/ Des  
Wolgebornen/ Edlen Herrn/  
Herrn Friderichs von Parche-  
witz/ feliger gedechtniß/ auff  
Schildbergk/ 7c. E. G. gelieb-  
ten Herrn Vatern/ Vnd dann  
nach tödtlichem abgange def-  
selben/ des Wolgebornen/ Ed-  
len Herren/ Herren Hanfen/  
Graffen von Roßdrochß hoff/  
auff Bernßdorff/ 7c. vielgelieb-  
tes Ehegemahl) auff jhrem fe-  
ligen Todtbette/ vnfer Gemei-  
ne vnd Kirche in jrem Chrift-  
lichen Teftament gantz gnedig  
bedacht hat/ welchs auch von  
E. Gn. Hochgeliebtem Herrn  
gant3 Chriftlich ins Werck ge-  
fetzt ift.

Derhal-

b7<sup>r</sup>

---

Vorrede.

Derhalben Gnediger Herr/  
vnd Gnedige Fraw/ weil ge-  
gen E. Gn. ich mich auff keine  
andere weife danckbar zuerzei-  
gen weiß/ alß mit einem folchen  
dinge/ das ich nach vermügen/  
durch Gottes verleihen geben  
kan/ Bitte E. Gn. ich gantz de-  
mütig vnd vnterthenig/ E.  
Gn. wollen jhnen diefe meine  
Dedication gnedig gefallen laß-  
fen/ vnd E. Gn. mich/ sampt  
meiner Gemeine allzeit in gna-  
den laffen befohlen fein.

Thue hiermit Ewer Gna-  
den/ sampt Ewerer Gnaden  
gantzem Hoffe/ in des ALL-  
mechtigen hulde vnd fchutz be-  
fehlen. Zur Sprottau/ den  
Achze

b7<sup>v</sup>

---

Vorrede.

Achzehenden Aprilis/ im Jar  
nach der Geburt vnfers HER<sup>en</sup>  
ren vnd Heylandes Jefu Chri<sup>sti</sup>  
fti 1582.

E. Gn.

Vntertheniger vnd  
Gevliffener

Martinus Mollerus/  
Diener des hei<sup>ligen</sup>  
Euangelij  
dafelbft.

Aa2<sup>r</sup>

Vorrede auff die folgenden  
Epifteln Leonis vnd anderer Veter/  
wider die Ketzerey des Eutyichis,

DJeweil ich etliche schöne E-  
pifteln des Leonis vnd ande-  
rer Väter/ fo dazumal wider  
den Eutyichen/ vnd feinen Anhang/  
auch gefchrieben/ herzu fetzen wöl-  
len/ Sol ich auch nicht vnterlaffen  
des Eutyichis vnd feines Jrrthumb  
vorher zu gedencken/ auff daß fol-  
che Epifteln mit defto mehrē nutz  
mögen gelesen werden.

Im Jahr nach Chriffti Geburt  
447. war ein Abt zu Conftantino-  
pel/ vnter dem Ertzbifchoff Flauia-  
no/ mit namen Eutyches/ der ver-  
fteig fich in hefftiger Widerlegung  
der Jrrthumb Neltorij/ vnd geried  
in einen folchen Jrrthumb: Er be-  
kenne/ ſprach er/ daß vor der Men-  
ſchwerdung vnſers HErrn Jheſu  
Chriſti weren 3wo Naturen gewe-  
ſen/ die Gottheit vnd die Menſch-

Eutyches  
vnd fein  
irrthumb.

A a ij      were

Aa2<sup>v</sup>

## Vorrede.

were eine Natur daraus worden  
 Denn also vermeinete er die einig  
 keit der Perſon zuerhalten/ vnd die  
 zutrennung wider Neſtorium zuuer  
 hüten. Lehrete auch: Der Leib des  
 HErrn were nicht vnſer Natur vn̄  
 Wefens/ noch aus Menſchlichem  
 Samen/ Sondern er nennete jhn  
 zwar einē Menſchlichen Leib/ doch  
 der da nicht fey eines Wefens we  
 der mit vns/ noch mit feiner Mut  
 ter. Vnd folche feine meinung ift zu  
 fehen in den zweyē Epifteln Flauia  
 ni/ ſo bald hernach zum erſten fol  
 gen werden.

Flauianus  
 verhöret  
 den Euty  
 chyen.

Als nu ſolches Flauianus der fro  
 me Patriarch innen ward/ verſam  
 lete er bald des folgenden Jars zu  
 ſich gen Conſtantinopel bey 30.  
 Biſchoffe/ ſo vn̄ter jm waren/ den  
 Eutychen zuuerhören/ welcher/ alß  
 er ſeinen Jrrthumb für jnen offent  
 lich heraus ſagt/ ward er vom Fla  
 uiano der Prieſterlichē Wirde ent  
 ſetzt/ vnd ſeiner Abtey beraubt.

Nach

Aa3<sup>r</sup>

## Vorrede.

Nach dieser Abfetzung des Euty-  
tychis ſchreibet Flauianus den gan-  
tzen handel an Leonem den Ertzbi-  
ſchoff zu Rom/ wie in den folgenden  
erften Epifteln zu ſehen. Derfelbi-  
ge/ alß ein fromer/ anfehllicher vnd  
fürtrefflicher Mann/ beantwortet  
ihn/ nach dem er die Sach mit den  
feinen erwogen/ mit einer faft lan-  
gen Epiftel/ die vnter den folgendē  
Epifteln die Dritte ift/ welche her-  
nach in dem allgemeinen Concilio  
zu Chalcedon nicht allein in groffem  
anfehen gewefen/ fondern auch die  
Sewl des rechten Chriftlichen  
Glaubens ift genennet worden.

In derfelbigem Epiftel ſaget Leo/  
es ſey recht vñ wol gethan/ daß der  
Ketzer Eutyches abgefetzet ſey/ be-  
weifet auch gantz ſchön vnd richtig  
aus der heiligen Schrift/ daß ſeine  
Lehr ein ſchedlicher Jrrthumb ſey/  
vnd faffet die gantze Lehre von der  
Perfon Chrifti/ ſo rund vñ richtig/  
daß diefelbe Epiftel wol ein Auß-

A a iij bundt

Flauianus  
thut dem  
Leoni des  
Eutychis  
jrrthumb  
zu wiſſen.  
Leo ant-  
wort dem  
Flauiano.

Leo ſchrei-  
bet wider  
den Euty-  
chen.

Aa3<sup>v</sup>

## Vorrede.

bundt ist alles des/ was von Christi Person/ vnd den zwoen Naturen in jm zu wissen von nöten ist.

Leonis  
andere  
Schriften  
wider Euty-  
tychen.

Dazumal hat Leo auch die sechs Episteln geschrieben an die Gottselige fromme Keyserin Pulcheriam/ deßgleichen auch an den Bischof Iulianum zu Coe/ welche beyde hernach auch verdeutschet vnd zu finden sind/ vnd gar guten bericht geben/ von der Menschwerdung Jesu Christi/ wider den Irrthumb des Eutythis.

Eutyches  
helt sich  
gen Hofe.

Nach dem aber Eutyches abgesetzt/ hielt er sich gen Hoffe/ nam den frommen Keyser Theodosium durch etliche vorneme Råthe ein/ vnd beklagte sich offft/ wie ihm vom Flauiano groß vnrecht geschehen were. Derhalben ließ der Keyser ein allgemein Concilium zu Epheso halten/ im Jar nach Christi geburt 449. vñ dafelbs den Eutythen noch einmal verhören.

Theodosius  
stellet  
des Concilium  
an  
zu Epheso

Weil

Aa4<sup>r</sup>

## Vorrede.

Weil aber Diofcorus der Biſchoff  
zu Alexandria/ des Eutyſchis Patron/  
in dieſem Concilio præſident war/ vñ  
den vorzug hatte/ welchem Chryſa-  
pius des Keyfers Kemerling ſchutz  
hielt/ vertufchte er die obgelmte  
Epiftel Leonis/ ließ Gewalt für  
Aecht gehen/ Rechtfertigte den Eu-  
tyſchen/ vnd billichet ſeinen Jrr-  
thumb. Flauianus aber der frome  
Patriarch wardt mit gewalt aus  
dem Concilio geſtoffen/ vñ mit Fuß-  
ſen dermaffen getrettē/ daß er vber  
wenig Tage hernach ſtarb/ Dar-  
umb es auch das Mordt Concilium  
iſt genennet worden.

Theodoretus vnd andere/ ſo dem  
öffentlichē Jrrthumb des Eutyſchis  
nicht beyfall geben wolten/ wur-  
den abwefende vñ vnverhōret ver-  
dammet/ vnd jhrer Empter entſe-  
tzet. Welcher groffen vnbilligkeit  
ſich auch Theodoretus gegen dem  
Leone beklaget in einer ſehr ſchōnē  
Epiftel/ darauff jm auch Leo gantz

A a iij freundt-

Diofcorus  
des Euty-  
ſchis pa-  
tron/ leit  
gewalt für  
Recht heif-  
ſen.

Flauianus  
kömpt  
vmb ſein  
leben.

Mordt  
Concilium

Theodore-  
tus abwe-  
fende ſei-  
nes Ampts  
entſetzet.

Aa4<sup>v</sup>

## Vorrede.

Leo trö-  
ftet den  
Theodore-  
tum.

freundlich vnd Brüderlich geant-  
wortet hat/ Wie hernach beyder  
Epifteln verdeudfchet zu finden/  
vnd fehr nützlich zu lefen find.

Weil aber folches dem Römifchē  
Ertzbifchoff Leoni trefflich wehe  
that/ ſchreibet er nicht allein an die  
Priefterſchafft/ vnd gantze Gemei-  
ne zu Conſtantinopel/ wie hernach  
zuſehen/ vnd tröftet ſie vber jhr  
fromē Biſchoff/ der ſo bößlich vmb  
komen war/ bey welches Lehre ſie  
alß frome hertzen/ noch felte hiel-  
ten/ Sondern er helt auch neben  
dem Patriarchen Anatolio/ der an  
des Flauiani ſtadt komen war/ bey  
dem Keyfer an/ vmb ein ander all-  
gemein Concilium/ welches auch  
vber zwey Jahr hernach im Jahr  
Chrifti 1451. da Keyfer Theodofius  
todt war/ vnter dem Keyfer Mar-  
tiano/ zu Chalcedon in Bithyniē ge-  
halten ward.

Leo erhelt  
ein ander  
allgemein  
Concilium

Concilium  
zu Chalce-  
don.

Dafelbft hin kamen aus allen  
Landen 630. Biſchoff zufamen/  
vnd

Aa5<sup>r</sup>

## Vorrede.

vnd war der Keyfer Perfönlich ge  
genwertig. In demselben Concilio  
wurdē alle handlungen des Mord  
Concilij verworffen/ Eutychis Lere  
verdammet/ Diofcorus/ nach dem er  
dreymahl zum Concilio erfordert/  
nicht kam/ sampt dem Eutyche wi  
der abgefetzet/ vnd ins Elendt ver  
wiefen. Die andern Bifchoffe aber/  
fo zuuor vnbillicher weife jrer Em  
pter entfetzet/ wider in jre Bifchoff  
thũmb eingewiefen.

Eutyches  
verdampft  
sampt dem  
Diofcoro.

Als nu in diefem Concilio die  
fchöne lange Epiftel Leonis/ wel  
che er zuuor an Flauianum gefchrie  
ben hatte/ öffentlich abgelefen/ wol  
bewogē/ vn̄ fleiffig examinirt ward  
fchryen die heiligē Veter einhellig:  
Das ift der rechte Glaube/ das  
ift der heilige Glaube/ das ift der  
ewige Glaube/ darinnen find wir  
getaufft/ darinnen teuffen wir/  
Alfo gleuben wir alle/ das ift der

Leonis E  
piftel vom  
gantzen  
Concilio  
approbiret

A a v Väter

# Aa5<sup>v</sup>

---

Vorrede.

Väter glaube/ das ist/ der Apostel  
Glaube/ Verflucht sey/ der nicht  
also gleubet.

Da auch das decretum oder symbolum dieses Concilij gestellet/ vnd darinnen diese wort/ Ex duabus naturis/ gelesen worden/ erhub sich ein groffer zweiffel vnter den heiligen Vatern/ Ob es recht geredet were Welchs alß es die Præfidenten sahen/ die vom Keyser dem Synodo zugeordnet waren/ sprachen sie: Diofcorus hat diese wort/ ex duabus naturis gebraucht/ Der heilige Leo aber spricht: Chriftus habe zwo Naturen ohne verenderung/ ohne vermischung/ vnd ohne zutrennung. Welchem folget jr nu/ dem Diofcoro/ oder dem Leone? Da ftunden die heiligen Väter alle auf vnd sprachen: Wir gleuben wie Leo/ Verflucht aber sey Diofcorus.

Nach

Aa6<sup>r</sup>

---

## Vorrede.

Nach diefem Concilio fchreibet  
Leo auch an den Bifchoff Iuena-  
lem zu Jerufalem/ Deßgleichen  
auch an die Brüder im heiligen  
Lande. Vnd ftraffet erftlich den  
Bifchoff/ das er dem jrrthumb des  
Eutyichis beygefallen war/ Dar-  
nach auch die Brüder/ das fie zu-  
uiel gethan haben/ vnd gibt jhnen  
gründtlichen vnterricht wider den  
Eutychen. Letzlich/ hat er auch ei-  
nen fehr fchönen bericht von diefem  
gantzen handel an den Keyfer Leo-  
nem gefchrieben/ im Jahr nach  
Chrifti geburt 458. welches alles  
hernach Deutfch mag gelesen wer-  
den.

Leonis an-  
dere fchriff-  
ten.

Trage alfo keinen zweiffel/ es  
werde der Chriftliche Lefer in die-  
fen fchönen Epifteln feines hertzen  
luft finden/ vnd Gott dem HErn  
dancken/ der fie biß auff vnfer zeit  
erhalten/ vnd verliehen hat/ das  
fie auch im Deutfchen mögen gele-  
fen werden.

Solchs

# Aa6<sup>v</sup>

---

Vorrede.

Solchs hab ich darum̄ zur Vorrede  
vber diefe folgende Epifteln  
fetzen wöllen/ damit fie jhr gebürli-  
ches anfehen haben/ vnd mit deſto  
mehrẽm fleiß vnd nachden-  
cken mögen gelesẽ  
werden.

Die